

Bosna i Hercegovina
Federacija BiH
Kanton Sarajevo
Skupština Kantona Sarajevo

Vlada KS
n/r Premijer g.din Elmedin Konaković

Ministarstvo za rad, socijalnu politiku, raseljena lica i izbjeglice
n/r Ministrica, g.đa Amela Dautbegović

Predmet: **INICIJATIVA**

Pokrećem inicijativu za donošenje Zakona o socijalnoj karti stanovništva Kantona Sarajevo.

Obrazloženje:

Bez kvalitetne socijalne karte, bez toga da pouzdano znamo ko ima, a ko nema, nema niti adekvatnih socijalnih programa, subvencija. Bez dokumentovane socio-ekonomske moći, pojedinca, stanovništva, grada, kantona, nema ni kvalitetne socijalne zaštite, niti kvalitetno usmjerenih subvencija. Za pravedno ostvarivanje socijalnih i ostalih prava preduslov je izrada socijalne karte.

Danas u Kantonu Sarajevo imamo situaciju u kojoj su korisnici nekog vida socijalne zaštite, subvencija, gotovo svi stanovnici KS, pa čak i članovi Skupštine Kantona Sarajevo. Smatram da bi donošenje ovog Zakona omogućilo izradu kvalitetne socijalne karte stanovništva. Socijalna karta bi omogućila uštede u sistemu socijalnih davanja i sistemu subvencija u komunalnoj privredi. Uštedena sredstva bi se iskoristila za socijalna davanja u sferama i oblastima u kojima je to najpotrebnije, a što će ukazati socijalna karta. Uštedena sredstva bi se koristila i za povećanje subvencija za lica u stanju socijalne potrebe. Kako bi sa subvencija korištenja komunalnih usluga uklonili one koji imaju, a povećali subvencije za one koji nemaju, opet nam je potreban ovakav zakon kojim će se utvrditi stvarno, tačno i pouzdano stanje u Kantonu Sarajevo.

Smatram da je donošenje Zakona o socijalnoj karti stanovništva Kantona Sarajevo preduslov za izradu socijalne karte.

Zakonom bi bilo propisano:

- Ustanova koja bi osmislila adekvatan upitnik (dokument), potreban za izradu socijalne karte.
- Ustanova koja bi provela ovu aktivnost.
- Obaveznost pristupanja / davanja podataka.
- Visina kazne za nedavanje podataka.
- Visina kazne za davanje lažnih podataka.

- Svrha korištenja podataka.
- Korisnici podataka.
- Kazne za neovlašteno korištenje podataka.
- Rokovi , itd.

Korist donošenja ovog zakona nije trenutna. Korist ovoga Zakona možda neće osjetiti ova Vlada i Skupština, ali sam siguran da će korist zakona znati i cijeniti buduće generacije.

Zbog gore navedenih razloga pokrećem inicijativu za izradu i donošenje Zakona o socijalnoj karti stanovništva Kantona Sarajevo.

Sarajevo, 02.10.2017. godine

ZASTUPNIK SDA U SKS

ELDAR ČOMOR